

知道廣顯定意經

才二

百九十一
難七

42678

22




元祿九年丙子二月日重脩

皇圖鞏固 帝階綴呂

佛日增輝 懋輪常轉

山城州天安寺法金剛院置



佛說弘道廣顯定意經卷第二

難

西晉三藏法師竺法護譯

請如來品第四

時阿耨達自與其衆諸眷屬俱稽首世尊跪
膝叉手而白佛言願請天尊迴屈神光往詣
無熱之大池中盡其三月吾等志樂供養聖
尊并諸神通果辦菩薩及上弟子蒙愍納許
願受其請所以然者吾等供事至真正覺豈
能應於如來儀耶冀蒙逮聞寂靜上化惟以
此法應供養也思願重聞如是像法令常歡
悅此乃應奉於三寶耳尔時世尊不受其請
重啓二月如來不然垂聽一月天尊不可願

納半月世尊默然而已受之於是龍王自與其衆諸將從俱見尊受請忻喜悅懌善心遂生遶佛三帀興雲震電而降微雨徧普天下忽然之頃還昇宮中時阿耨達到坐正殿尋輒召諸五百長子其名善牙善施善意善明能滅寂根感動大威甘威甘權甘德普稱威勇持密忍力行祥如是比等五百長子宿樹無上正真道已王告之曰又諸子等吾今已請如來無著平等正覺及衆菩薩諸弟子俱盡其半月世尊正覺垂大慈哀興於死愍而尋受請汝等當共同一其心廣相勉勵加敬世尊至真如來勤念無常當各寂靜謙恪恭

肅住持如來宜應棄捐婬心欲意及龍戲樂
除貪怒害離欲色聲香味細滑所以者何世
尊無欲而且詳安仁雅審諦順調寂靜顯備
諸德侍從圍衛儀容無量皆承諸佛真正要
戒以是之故汝等半月無得入宮當除婬恚
愚癡之念又復如來宣講法故必有他方神

通菩薩釋梵持世宿淨天子當普來會汝等
勤念廣施殊妙光顯嚴飾慎勿中懈令諸會
衆觀變踊躍此乃真應供養如來時阿耨達
都約勅訖輒爲如來於雪山下無熱池中爲
世尊故化其無瑕淨瑠璃座而使縱廣七百
由旬乃殊異妙周帀列置八萬四千雜寶奇

樹校以衆珍諸寶鮮飾蔚有光華精耀百色
中出美香諸樹間化八萬四千七寶之堂衆
珍光彩極好無雙施置十方交露綺帳乃垂
異妙赤真珠寶貫在諸堂上有師子座八萬
四千皆大高廣而布無價妙好雜氎牀座寶
分施諸交露校以衆寶所在堂上有龍采女
各二千人其色姝妙姿美無量顏像蔗華口
出熏香擎持雜華末香塗香調作諸伎以詠
佛德興悅衆會於上虛空化大寶蓋周千由
旬徧覆會上竒珍綵鏤其寶蓋中衆色無數
懸好繒幡於幡綵間垂諸寶鈴景風和降音
踰諸樂施饌百味備辦都訖爲此變已與其

眷屬恭檢叉手向佛跪膝而遙啓尊以其請
意歎詠頌曰

慧藏智富積辯德

慧達無著明導衆

慧弘普至不有礙

慧上最力降神光

慧解心行惟大仁

當觀十方衆生類

最上神尊受吾請

念啓慈愍惟時屈

知足無貪而易養

祥福審諦聖導師

善行質信知衆意

時節已至可屈尊

其德普稱行等王

造無請友興普念

至仁清淨喻若空

所設辦訖枉神尊

威御十方猛持世

佛事十八而等有

度衆最首悲踊行

願與其衆時蒙至

色妙端正相彩身
志樂歡悅惠法施
梵聲清淨若雷震
妙音具足悅諸士
佛土三千無等倫
聖尊明覩衆生行
知時普應懷權化
詳審之行目明好
衆生甚多普渴仰
大仁德峻勇而果
慙祥備足德最上
師友無雙恊懷衆

竒好種種華繡文
大仁上導願察時
鸞鳳哀鳴師子步
衆心忻望願時顧
弗有能知如來心
所修常應時降此
了達衆生有聖誓
威神檢足願迴光
十力持勢威無慢
聖性尒在昇遊此
寧救濟育徧無極
化龍億百興有悲

於世威猛普慈救

達知衆行應如意

開布散示惟天尊

輕舉神足願時至

尔時世尊知阿耨達請時已到告諸比丘著
衣持器差應留守無熱龍王遙跪啓時應受
半月宜便即就於時八萬四千菩薩皆大神
通德具果辨弟子二千亦上神足侍繞世尊
周帀而導至真如來從鷲山頂忽昇虛空神
力而進如其色像身放無數百千之光徧照
三千大千境界普悉晃明諸欲色天皆見世
尊揚光無數飛過虛空自相謂言神尊致彼
無熱王所將興法化演奧無極乃使如來爲
衆圍遶即彼半月多諸天數百千衆得見

世尊又聞說法緣復觀覩無熱所設莊嚴感
變而令世尊故遊到彼時諸天子各各發念
供養如來或願散華或雨名香或施天樂以
歌佛德或復懸幢幡蓋繒綵率隨如來世尊
身光神照焔焔明踰日月星宿淨色及諸天
光佛之聖威神耀無量根定寂靜行遊祥安
釋梵四天威變種種奉敬追侍隨從如來於
時聖尊到雪山下住止右面便告賢者大目
連言汝到無熱王所處宮當宣告之如來已
至時可應入於是賢者大目捷連承佛神旨
忽遷無熱大池之中現於虛空去地七丈化
身像若金翅鳥王任阿耨達龍王宮上便告

王言如來至也彼諸龍衆及采女等無不愕然驚恐怖悸衣毛爲豎四走藏竄展轉相謂此池自初無金翅鳥斯從何來時阿耨達告諸宮人太子眷屬而慰之曰且各安心勿恐勿怖此爲賢者大目連耳承如來使興神足變賢者目連到彼告訖還詣世尊時阿耨達便與其衆諸子臣民夫人采女舉宮大小俱而圍遶各奉名華及美末香并衆塗香幢蓋繒幡倡伎種種調作相應進迎正覺于時世尊爲諸菩薩及衆弟子天龍尊神所共圍遶俱而前至無熱所設廣博座場如來到已尋就高顯師子之座菩薩相次然後弟子諸衆

坐訖。尔時龍王觀視世尊及諸菩薩弟子衆會坐悉而定興心無量內懷怡悅。輒與其衆手執斟酌所設饌具踰世世。肥延有天味肴膳百種以用供佛菩薩弟子并諸衆會。使皆充足。世尊菩薩及諸弟子飯畢。輒各洗盥。應器察衆。都訖時。阿耨達即啓如來願聞說法。於是世尊日昃時後。便從定起。端坐說法。諸來會衆滿千由旬。從地至上中無空缺。天龍鬼神及人非人。周帀圍遶。至真正覺一切會者。各懷踊躍。

弘道廣顯定意經無欲行品第五

尔時龍王悅顏進前跪重白佛。惟願世尊爲

斯衆會如應說法令諸一切免離生死精除
想著五陰諸苦穢垢昧昧勞塵之行使永無
三毒意結蒙及諸龍衆得棄邪冥伏其心意
和致至善使有悅豫深行菩薩後若如來現
有存亡當使吾等所在國邑護持正法於是
世尊讚龍王曰善哉善哉阿耨達王諦聽其
義勤思念之以宣布示吾當廣說令此會衆
多免罪痛根枝雜想意識志疑使解普智昇
遊三界時龍王言善哉世尊願樂廣說當頂
受行是時聖尊告龍王曰有一法行菩薩應
者爲天世人甚所敬重何謂爲一志修深法
以行無欲何曰深法行無欲乎如是龍王菩

薩依順因緣之無離二見際知有無者斯見
諸法依著因緣不見有法不由緣生彼作此
念其依因緣斯無依緣彼不依魔其依緣者
彼不言吾亦不言我又其依緣中無我所依
緣無主亦無執守其依順緣了解起生速易
得致四依之念何謂爲四依於至義而不文
飾依於慧行不爲識念依順義經不依攀緣
依念於法而不爲人彼何謂義何等爲慧云
何順義何謂念法義謂空義不受妄見無相
之義不著念識無願之義不著三界無數之
義不著於數又復義者於法非法而無其二
音聲無得念想無念法處無住用無人故壽

命言聲偽無所有又復爲義其法義者爲無
欲義何謂菩薩爲法義者其無眼色耳聲鼻
香舌味身更心法之義不生色義不滅色義
不爲痛想行識之義亦不生滅識行之義亦
不欲色無色之義亦不生滅欲色無色之義
亦不我義亦無我之義不有人義亦
不有者人見入之義亦不著入有佛身義亦不
法字著入之義不數計貪有著入義亦復不
有施戒忍進定智著義曉入一切諸法之義
是謂菩薩爲法義也其從是義而不有退是
謂爲義彼何謂慧日光無生慧習無念慧盡
都盡慧道無去慧於陰幻法諸性法性而無

毀慧在於諸情空聚爲慧解入諸法明了衆
生根滿具慧至念無忘於諸止意不意無念
於諸斷意等善不善於其神足身心建慧又
於諸根了輕重慧於諸覺意覺諸法慧而於
諸力已降調慧道爲無數於滅寂慧觀別法
慧始不生慧來不至慧中無任慧於身像慧
言以響慧心法幻慧是謂菩薩明達智慧又
何謂爲順導義經從是因緣而起然者滅於
愚癡滅於老死無我而然於無我人及與命
壽深解諸物若如來我皆非真法而然於三
脫之門也等於三世求三無著所謂諸法見
都無生觀了知者而得等滅離俗情態菩薩

來智慧度無極於諸意念而無疑惑應入是
行斯謂順義無所去至亦無從來汨洄無為
不有去至是謂順義何謂如法若諸如來興
與不與法身常住是謂如來如如本無而無
增減不二無二真際法性謂之如法不毀行
報無行報法斯謂如法大乘者由六度無極
緣一覺乘從因緣脫聲聞之乘依音聲脫是
謂如法施致大福戒得生天博聞多智定念
致脫斯謂如法從行不修興有生死行之純
至而立無為如法之謂愚以欲力智則慧力
斯謂如法其一切法悉依法性如此龍王其
依因緣而起生者斯則應得四依之念其依

因緣彼則不依斷著有無是謂其見因緣起者斯見諸法其見法者斯見如來所以者何因緣乎龍王等起無起於法非法等而無著又如來者亦爲無著因緣之起亦無有起法不可得覺其法者斯則如來於因緣起慧眼見之慧眼見者斯則諸法見諸法者斯則如來張氏由娘捨是謂其見因緣起者斯則見法其見法者斯見如來又如來者以法見法如是龍王若以此法行應脫者斯謂菩薩而無欲行又呼龍王無欲菩薩不作欲習悅樂賢聖捨非賢聖勤慕興護於賢聖種廣合諸慧爲法作護修於博聞志樹無忘不捨戒身智身無傾定

身不動於其慧身得菩堅住脫慧見身強固
難轉脫慧見故又復龍王無欲菩薩得無數
佛正法度義亦具無數諸佛要慧又果無盡
諸佛之辯得通無量諸佛神足因致無數諸
佛權解普入無量衆生之行遊過無數諸佛
國土因見無數百千如來緣得聽聞無數諸
法得無數義達無數慧曉無數行度無數衆
若是龍王無欲菩薩常應清淨消盡衆穢德
不可量三界自由不有所著何則然者以其
無欲自從心生有三事從心出生何謂爲三
從其欲生又從愛生亦由起生復有三生觀
於起生又觀起生又觀所行觀心無處又復
三生滅寂專一曉解於觀如法隨行又復三
生德備仁調以爲靜寂從行勤生又復三事

三生滅寂專一曉解於觀如法隨行又復三
生德備仁調以爲靜寂從行勤生又復三事
從於行直而無有諂仁慈調忍復有三事無
沉吟疑順善不麁志足易養又復三事從其
空生又復無相亦曰無願又復三事心之所
生諸法無常從其心生諸法皆苦亦由心生

諸法無我亦從心生復有三事而從心生諸
法無常諸法無我滅盡無爲皆從心生如其
龍王菩薩等滅亦由心生謂其不捨普智心
行平等一切以大慈故不捨衆生大悲心故
不厭生死用大喜故等離喜怒以大護故所
有惠施不望報故衆戒學行德義備故內尅

已過不論彼短能忍衆生諸不善行欲度彼
人心固金剛合集衆善之德之本身命無惜
得致一切諸定正受心無勞倦不以正受而
有所生曉智以權順隨衆生以其諦慧度諸
志脫欲達聲聞緣覺乘者顯念佛法求諸佛
法能忍衆苦廣宣法故衆利敬養蔑而棄之
志具諸相德行無厭充滿智慧博勤多聞習
善友故值善知識用謙敬故得應謙行行降自
大故以降自大志行備故具滿意行用無諂
故以離諂者言行應故以其無欺修誠信故
以任信言離衆欺故滅除妄語生誠信故降
心於信如是龍王其有菩薩而生是心斯謂

無欲又復龍王無欲菩薩魔不能得其限便也所以者何以彼菩薩應無限故而亦不行有限之法彼何謂爲是限法乎欲媮恚癡斯皆有限菩薩於是不有所著以此謂之爲無限也聲聞緣覺其乘有限菩薩住於普智心者魔終不能得其限便有念念無念念想有限菩薩以離衆念之應如此菩薩魔不能得其限便也如是龍王有二魔事而是菩薩當深覺之亦當遠離何謂二事於其師友無恪敬心而自處大貢高蔑人是謂爲二又二魔事捨菩薩六度無極歲心反喜樂雜行聲聞及緣覺法復有二事何等爲二無其智慧而欲

行權與諸墮著妄見衆生樂相狎習復有二
事寡聞少智自以慧達雖有通博於中自大
又復二事於德甚少望生尊貴若修德行而
樂小乘復有二事正法不護不度衆生復有
二事志不樂習於諸菩薩及衆通達明智者
俱專行誹謗清高菩薩主爲法師數興蔽礙
又障師訓而多諛諂又二魔事捨諸德本心
存不德復有二事雖在閑居懷想三毒志常
憤內若遊國邑有貪利心復有二事爲非其
人說深要法應當爲說而反不說復有二事
不覺魔事遠離普智意數錯亂如是龍王其
諸魔事色像若斯無欲菩薩而永無此又復

龍王若有菩薩修於清淨行應無欲當致菩薩十六大力以此諸力降調己志以化衆生何謂菩薩十六力耶曰得志力意力行力慙力強力持力慧力德力辯力色力身力財力心力神力弘法之力伏諸魔力無欲菩薩得是菩薩十六大力何謂菩薩爲志力耶如是龍王菩薩志力能覽諸佛一切所說撻而持之是謂志力斯菩薩意應諸佛行於諸衆生而無斷礙是謂意力能達一切意聲所說解了諸義是謂行力離諸罪行興衆德法是則慙力一切諸難不爲非行斯則強力億千魔兵不敢而當是則智力通達持法宣示等學而

無遺忘斯則持力無著不忘於百千劫其所
可說無礙不斷隨解諸法是則辯力若諸釋
梵及四天王往詣菩薩黯然無色是端正力
以其寶首所可念願應意即至是則財力過
諸外道在中獨尊是則身力衆生之心能一
其心知衆生心順行化之是則心力衆生應
以神足度者爲現神變使衆覩見是神足力
若所說法使衆聞之而無中斷彼受順行等
除苦盡是弘法力若其禪定正受之時得承
佛旨賢聖行法是降魔力斯謂菩薩十六大
力其有行者志慕願此十六之力而欲得者
當修無欲譬如龍王一切流河歸於大海道

法諸行三十七品悉歸無欲又若龍王諸藥
草木依因於地諸善行法皆由無欲譬如龍
王轉輪聖王衆生所樂若此其有無欲菩薩
乃爲諸天龍鬼世間人之所愛樂也尔時世
尊爲阿耨達并諸太子而說頌曰

欲爲慧菩薩

志願佛道者

彼當離穢法

常勤行無欲

慧解因緣法

不倚於見際

觀法以因緣

無緣不有法

緣生彼無生

是不與自然

善緣斯亦空

知空彼無欲

著緣而無相

脫願寂復寂

憺怕像大愚

其處魔不審

見法無著緣

於其無吾我

彼不有我人

知是則無欲

無主不守護

不獲亦弗捨 本脫無取捨 離欲常了法
觀義不為飾 慧行常脫識 曉了順義經
依法不為人 空義是佛法 及脫無相願
不倚造見念 是義其無欲 於法不有二
音聲無可得 處法難可動 不人義無欲
法義無欲義 眼耳不色聽 鼻口離香味
身心無更法 不色生威儀 又不離痛想
亦無識任我 達是應法義 不任三界義
亦無吾我義 世尊無色身 無字法說義
計數非法義 至要不以施 非戒忍進定
慧無我世尊 諸法解無義 智謂是法要
於義永非義 無欲則佛法 無生曉苦慧

不起無有滅

不生亦不終

知是應尊習

吾音解若幻

知其如法性

曉內如空聚

了是為無欲

知法至趣向

明達衆生情

斷念以止意

無欲得是慧

意斷無有二

神足心輕騰

以力而無慢

諸根知止足

覺定解以智

明了八直道

慧觀於滅行

解法所至歸

本法不有生

當來而未至

現在無住法

不欲知如是

身像無堅固

語空譬言如響

心幻若如風

無欲解如是

知說順義經

了達於因緣

本癡生死滅

無欲是慧義

無我人命壽

解了法非法

以脫於三門

所說空無著

無生見滅道

習慧喻俗行 不從心意生 無欲覺是行
法性常如任 佛興及滅度 無二覺不覺
無欲知是法 其積如本際 彼積悉諸法
空積及人際 無欲達是智 法性常以任
覺起而滅度 不識知其二 無欲法如是
不殃善不善 知法無罪報 佛法不從他
從行度無極 以離因緣聲 音脫聲聞行
惠施致大富 彼見戒生天 博聞得智慧
守意化衆生 至聖都守意 無欲法如是
力常轉諸欲 智慧志存法 等念是諸法
法性常無得 識知因緣起 而致四德行
知義及與法 順義知無欲 觀緣彼見法

以法見世尊

等於起滅法

無欲了尊法

因緣跡無得

音聲法無字

斯法得本無

是聖謂如來

以慧見因緣

無見不見法

明慧了因緣

是謂見世尊

彼永無欲行

悅情諸賢聖

法性毀不捨

而護賢聖種

常護佛正法

無欲聞不忘

戒根不捨離

於定達難動

知身慧不動

常住於脫身

及脫慧所見

無欲常安住

解入諸佛法

無量眾聖道

得佛神足具

辯達一切行

知眾情意行

忽然遊諸土

得見諸如來

受彼所說法

聞守解達義

宣示無量人

知彼億數行

志得向無數

無數當自在

降心入功德 伏意使無欲 終不遷是世
諸陰心已脫 了知起滅處 觀滅無所有
所習以而無 聲性心所行 不諂常端直
無佞調仁善 無欲德如斯 以脫空相願
解苦知生死 無我法常寂 無欲從心行
普智心等慈 以悲濟衆生 喜不厭生死
行護無有邊 所施無望報 省己立諸行
忍耐善不善 念脫彼衆生 勤精強修德
不計有身命 以次知諸定 亦不隨於定
慧定大精進 於數不墮數 以諦化聲聞
智不志滅度 無欲值佛世 彼有斯諸法
應不知其行 安任法了是 無欲不有限

曉是貪垢限

離欲彼無想

魔不知其處

其想吾我應

彼自起魔事

是悉度諸行

衆魔而不審

無欲志不忘

所行常清淨

無欲不意志

慙行而不毀

以聞無欲者

悅慧敬如來

其任如法任

彼應如世尊

諸佛十力者

菩薩欲奉事

聞斯無欲行

勤意當受持

其聞此無欲

悅信廣奉行

彼常致無欲

得佛是不久

無欲聖所由

而致最清淨

無欲得成佛

以化無有邊

去來現在佛

諸得衆相好

悉從斯無欲

及行是法故

亦時世尊說是無欲法品之時諸在會者四

萬二千天龍鬼神人與非人皆發無上正真
道意萬二千人得不起忍又八千人逮柔順
忍三萬二千天人神龍得離塵垢悉生法眼
又八千人而離欲行八千比丘漏盡無餘當
尔之時三千大千世界六返震動普徧十方
晃然大明於雪山下無熱池中周帀現有所
未見聞光耀妙華皆至於膝其池水中普生
乃異鮮飾蓮華大如車輪中生出美香華色
無數百千諸種皆是佛之威神所致亦為是
法與其供養以悅無熱龍王意故

佛說加道廣顯定意經卷第二

難

勉勵

二字音免
勸也

蔚

音畏
彩盛也

氎

音牒
布也

蔗華

上

苗反秀

綵鏤

音漏

枉

紆往反

峻

雖閏反也

晃明

上胡

廣反

輝

紆鬼反

愕然

吾各反

怖悸

心下動之

季反

也

也歲竄

下音逃

斟酌

針上音

肴膳

時上

反食也

下

也洒盪

下音一

日

日

阻

反

蔑

莫結反

狎

甲銜

也反近

憤

丙

上

同前

黯然

深

黑之

惔惔

上

音同徒敢反指一

忍耐

奈音

